



Inatsisartunut ilaasortaq  
Anders Olsen  
Siumut  
/Maani

**Naalakkersuisut naligiissarisarneq pillugu periusissatut siunnersuutaat pillugu § 37 naapertorlugu apeqquteqaammut akissut.**

7.august 2014

Postboks 1037  
3900 Nuuk  
Tlf. (+299) 34 50 00  
Fax (+299) 32 46 14  
E-mail: oed@nanoq.gl  
www.nanoq.gl

Saaffiginnissummut qujallunga apeqqutigineqartut matumuuna akissuteqarfigissavakka.

**Apeqqu 1:**

***Kommuneqarfik Sermersooq Namminersorlutik Oqartussat tamakkiisumik ilaanakortumilluunniit suliffeqarfiutaanit Kommuneqarfik Sermersuumi inissisimasuni, ukiuni tallimani kingullerni (ukiukkaarlugit tullerijaaarlugit allattorlugit) sulisut akileraarutaanit qanoq annertutigisumik isertitaqarpa?***

Akissut:

Isertitat Namminersorlutik Oqartussat suliffeqarfiutaannit pinngortut suminngaanneer-nerinik nassuiaat ataasiusoq naligiissarisarneq pillugu periusissamat nutaamat siunnersuummi, junip naalernerani kommuninut nassiunneqartumi atorneqarpoq.

"Kommunip aningaasarsianit akileraarutigut Namminersorlutik Oqartussanit toqqaannartumik imaluunniit selskabinit, piginneqataassutit pingajorarterutaat sinnerlugit Namminersorlutik Oqartussanit pigineqartunit 50-illu sinnerlugit sulisoqartunit pinngortutigut isertitai".

Suliffeqarfiit pineqartut ukuupput:

Royal Greenland  
KNI  
Royal Arctic Line  
INI A/S  
Nukissiorfiit  
GLV  
Air Greenland  
Great Greenland

Kommuneqarfik Sermersuup piffissami 2009-miit 2013-imut kommunimut akileraarutigut isertitai takussutissami ataani takutinneqarput. Isertitat akileraarutigut isertitanut Namminersorlutik Oqartussaneersunut (allaffeqarfimmeersunut) aammalu selskabinit Namminersorlutik Oqartussanit pigineqartuneersunut, nassuiaat qulaani taaneqartoq naapertorlugu agguataagaapput.

Akileraarutitigut isertitat, Ser- mersooq. 2009 – 2013	2009	2010	2011	2012	2013	Katillugit
Namminersorlutik Oqartussat, politiit eqqartuussiveqarnerlu	178.104	190.560	194.367	201.497	205.416	969.945
Selskabit Namminersorlutik Oqartussat pigisaat	151.754	152.536	161.021	158.677	165.955	789.943
Katillugit	329.858	343.096	355.388	360.174	371.371	1.759.888

Najoqqutaq: Akileraartarnermut Aqutsisoqarfik

### **Apeqqu 2:**

**Naligiissaarinnermut najoqqutassatut siunnersuutigineqartoq malillugu, Qeqqata Kommuneanut ukiumut 12 mio. kr.-nik naleqartussaasoq atuarparput, Qeqqata Kommuneanit qanormita tamanna nalilerneqarpa?**

Akissut:

Naligiissaarisarneq pillugu periusissatut siunnersuut juni naalersoq kommuninut nassiunneqarpoq. Kommunit qinnuigineqarput siunnersuut nassiunneqartoq pillugu qanoq isumaqarnertik kingusinnerpaamik 1. august nassiateqqullugu. Kommuni 31. juli 2014-imi akissuteqarpoq. Kommunip siunnersuut isumaqataaffiginngilaa.

Oqallinnerit suli ingerlanneqarput, taamaammallu periusissap juni 2014-imeersup piviusunngornissaa ilimanangilaq.

Apeqqutigineqartut matumuuna akissutissarsineqarsimanissaat neriutigaara, piffissaliussamillu qimmullaarsimaneq ajuusaarutigalugu.

Inussiarnersumik inuulluaqqusillunga

Med venlig hilsen

  
Vittus Qujaukitsoq